

越縵堂日記

第十九冊

桃峯聖解盦日記

辛集記癸酉六月

同治十二年癸酉夏六月二十一日戊辰上午暝下午霽晡後雷電大雨入夜更餘

始止 鈔唐韻考 晡時赴伯寅侍郎之招坐有六舟香濤清卿廉

生碩卿嚴六溪顧緝廷及陳庶常寶鮑知府康二更歸

二十二日己巳清晨大雨終日霽霽旬晚激雨 得伯寅書即復 聞

香濤理菴皆奉典試之 命香濤得四川為第一美差理菴連科

主湖南試亦僅事也 得紱丈書約飲期即復 再得伯寅書 夜

雨甚涼額縣被

即鈔

命翰林院侍講學士鍾寶華

浙江人

為四川正考官編修張之洞

直隸人

為副

考官編修陳翼

福建人

為湖南正考官檢討楊大亨

浙江人

為副考官

二十三日庚午終日苦雨

伏

得紱丈書招飲餘慶堂上午冒雨赴之

坐有香濤碩卿廉生及陳逸山逸山新自雷州省覲回者

得伯寅

書年後酒罷僂道過談即歸

作書致香濤理菴皆為王福投薦

書此輩既不自量又不揣主人勢力每遇知識中有奉使及外授者
輒苦求推薦不顧主人之取厭憎若固拒之僂生怨謫可恨之至
夜初更後雨稍止 自舟夕聯動下午將發憊甚

邸鈔以太常寺卿阿昌阿為內閣學士兼禮部侍郎銜

二十四日辛未早霧上午散暝午後雨 誤擬經進萬壽無疆賦一

首并序

得伯寅書旋復

下午酣臥夜遂徹旦不寐

邱鈔以託名總兵程文炳為江西九江鎮總兵

二十五日壬申曜 紱丈來久談 鈔唐韻考自十六蒸至十八尤訂

正處甚多 得伯寅書即復 得紱丈書 得族弟品芳書是月

邱鈔

上諭胡家玉奏部院正途人員擁擠請酌覈保舉量予疏通一摺著吏

部議奏

原奏言一由京員之保舉太多總理各國事務衙門三年保十八員請歸照軍機處之例三年准保八員并請
歸吏部此外勞績一概議取一外省之保舉太數向來十數年一行今則給繹不絕請照向例候擢取記名人員用竣後再行調取引

二十六日癸酉曜復熱上午牧霽 逸山來尚臥不晤去 鈔唐韻

致至三十一優 得紱丈書再偕閱近年日記即復 作書致清卿詢

十刺海公饒孝達之期復召明日既太恩迫又苦蒸海不能往矣

鬚鬢頭 太平阮太思舍人黃巖鄭士梅同年來

兆芳星年入盡日已

辛未

穢漫堂雜著

二十七日甲戌晨大雨雷霹歷驟震雨旋止終日霽下午數見日景

二十八日乙亥晨暝上午數霽下午暝 鈔唐韻攷平聲訖 理菴以扇

來索贈行七古且乞誤送其再典試湖南便道省親駢體序文理菴素

嗜予文又交久情似不可卻然此請佞失之太易彼之榮遇與我何干且

文必類駢體詩必類七古此事豈可強為我之胸中覺無一言可發

何處尋許多文字耶 得伯寅書饋銀二十兩即復謝 吳玉粟

來 再得伯寅書以新得邵陽河所出古鋪拓本屬題即復 王信

甫來不晤 得紱丈書還日記即復

二十九日丙子寅正刻七分大暑六月中是日小盡晨定雨至上午稍止

下午定雨數作晚大雨入夜淋漓 謝磨伯約今晚飲宴賓齋已

雨辭之 得伯寅侍郎書饋佳茗四器即復謝 都中飲晤并
水入甕巨後泥濘尤甚今日令召盛盛置中庭承雨水飲之 夜四
更時大風仍雨 是日印結局進來公費銀十三兩九錢

閏六月丁丑朔晨大雨上午暝午後露晡後雨 得伯寅書偕問
字堂平津館等集即復 庭芷六舟味林磨伯諸君東約初四
日飲楊州館 夜大雨壞牆

初二日戊寅晨激雨齟止上午後暝溽暑特甚 得孫琴士育
二十日陝西西安書并惠銀十六兩 作書致清卿 作書致胡雲
楣還羅鄂州等集 得清卿復雲楣復 比日久雨霪溼徽

海無異南中予又舊疾連動所寢小室底帶伏淫受溼尤重今日
便苦鬱煩召艾求歌芷等物棄之夜始得睡

初三日己卯暝溽暑特甚夜初更而旋止四更大風雨是夕酷熱徹旦
不能寐

初四日庚辰

伏中

晨露終日暝酷暑

四得伯寅侍郎書召後拓逸子

仲姜鐫一幀見示較新拓字畫甚清文多可讀即復

晡後庭芷

來催飲即坐車赴之賓主皆已至主人有中年張子鐫編修

鴻遠共

五人客惟香濤逸山及予而已六舟設餽甚佳晚歸

是日付賃屋

錢三十六千臥室換波黎窗錢十千

初五日辛巳暝酷暑

得伯寅書

再得伯寅書贈箋四百番

即復讞 寶卿來談竟日去 始召西瓜薦 先 苔間新栽

海棠兩樹其一樹近復作粵今日已開至數十朵矣 是日評坊人砌

地付執直錢十四千又付米錢廿六千煤錢廿千

初六日壬午晨暝午後露有風稍涼哺後雨 得伯寅書以所得

孟鼎銘拓本見示孟鼎道光癸卯出陝西岐山之禮部四年新出土者劉燕庭吳子夢皆已著錄

各有釋文其文共十九行字較它鼎特大首二行云隹九月王才宗周令

孟王夢曰孟不顯玟王受天有大令杜璫王嗣玟臣邦 云皆極明顯

才即在令即命夢即若不即至臣即作此金文通例惟文王武王皆以

王作致璫則此所僅見說文玟字下俱齊太公子假諡曰玟公許氏言左氏傳

皆古文此玟公蓋引左傳徵福於太公公所見古文作玟也則古於天子諸侯

之謚有加玉者疑取以玉事神之誼

以玉事神本說文靈字訓

然不能詳也即後再得侍

郎書即復

三得侍郎書賦示予寓庭海棠開夏重作花詩七律

一首晚就鐙下咏詩一首即書寄侍郎

兩入夜數作初夏稍安二

夏止四更大雨震雷歷一時許

邸鈔都察院奏廣東紳士翰林院編修潘衍桐等為原任湖北德安

府知府咸豐四年守城殉難易容之請謚

詔禮部議奏另片奏殉

節人員應不准由同鄉京官呈請予謚等語

詔嗣後各省殉難官

員果係死事慘烈者准由該處紳民呈請各該督撫及都察院查核

具奏不准再由同鄉京官呈請

又奏廣西職員劉澤遠等為署

廣西隆安縣知縣咸豐元年會剿思恩股匪陣亡高延祉請謚

詔高延祉加恩予諡

延祉諡賜諡壯節易容三部駁不推

初七日癸未晨霽旌旆曜上午後雨零數作傍晚旌

得伯宗

侍郎書

作致朱海門太守成都書託香濤州去作書致香

濤

得潘星丈書以近題顧南雅畫梅一絕見示即復

得香

濤復

邱鈔大學士單懋謙奏病未痊愈懇請開缺

詔賞假兩月安

心調理毋庸開缺

御史鄧慶麟奏原任山西平陽府知府何維墀于咸豐四年八月逆匪

攻平陽府城巷戰被害業經優卹懇請予諡

詔著鮑源滾查

明請旨

初八日甲申晨霽旋暝終日散風稍有爽致 為伯寅侍郎誤會

鐫歌用昌黎石鼓歌韵 鬢頭 理菴再走使來乞詩且告初

十日準行作書復之 作書并詩致伯寅得復

初九日乙酉晨微雨終日埃簷溽暑滋甚 紱丈來 同年金

庚常保太來方種花辭之左 買紅槿花兩株一栽之籬邊一

植牆角 作送楊理菴再典試湖南七古一首即書扇致之

碩卿來 夜半後雨作雷不絕五更大雨以風雷震徹曉

送楊理菴檢討重典試湖南

楚南才為天下雄。文忠文正人中龍。提挈羣賢廓氛霧。遂成一代中興功。其餘彭左亦奇傑。若羅若李勇無敵。一時驤首攀風雲。生畫

邱鈔

麒麟死埋血所惜文教猶未昌剽竊理學成猖狂先詆陽明及許
鄭欲以學究升明堂甚者欲淫不經制何晏清談若遜恐彥倫山居不識字後生佻
達習大言塗抹以外無餘事依怙恃未誠無尤安校尉亦能封侯功
名凌獵到學術不持寸鐵爭伊周三載賓興國大典使者一雙
帝親選激揚風俗在此行舞袖回旋易為善君承恩眷
尤獨偏三年兩使湘南天沅芷澧蘭拾不盡望衡面面開紅蓮
慈湖自管講學地龍山戴山一脈寄東鄰鄭縣西餘姚黃金文獻
實職志薰風馬首雙旌開文章為國勤儲材兒曹鏖戰曲江
捷北堂高舉南山杯君諸子就試浙江君將
已試事畢回籍省親

上諭前據軍機大臣六部九卿會議喬松年文彬丁寶楨御史游百川所奏
籌辦黃運兩河情形當經諭令李鴻章妥籌辦法據實詳細具奏茲
據奏稱銅瓦廂決口後舊河身淤墊過高歲久乾涸無從修治勢難挽
復准徐故道且於漕運無甚裨益至借黃濟運築隄束水工程均無把握
與導衛濟運之法同一難行所奏頗為詳盡河流既難挽之使南而利運
又別無長策李鴻章請仍由海道轉運令各督撫酌提本色若干運滬
由海船解津其餘仍照章折解以省運費並隨時指撥漕折銀兩采買
接濟著戶部通盤籌畫妥議具奏河流趨重山東自應增土隄防著
丁寶楨酌度形勢將張秋利津一帶舊有民埝加倍堅固以資捍衛其
侯家林決口現雖堵築合龍仍恐民埝不能久恃並著該撫於秋汛後詳

悉勘估酌籌款項將侯家林上下民墟仿照官隄辦法一律加高培厚設
法守護沿河各州縣民人田地久被淹沒情殊可閔即著查明分別奏請蠲
緩錢糧並將海口鹽場商運各事宜酌量變通辦理以示體恤至銅瓦廂
決口以下蘭儀東明一帶地勢平行不可無遙隄以防泛濫著喬松年就
近察看應如何量築隄防即行悉心籌辦淮徐故道洩出河身民間
多有占種該督所請酌議升科之處著江蘇河南山東各督撫體察情
形妥籌具奏另片奏請停止河運采買糧石推廣海運各等語著戶
部議奏

初十日丙戌雨晨止上午醒下午霽傍晚大雨雷震 得紱大書以

臨江仙海棠再花詞一闋案和即復 得李若農師五月末南昌

書并惠銀十兩 得伯宣書即復 海棠盛開作數百花尚有紅萼

百餘比日連遭風雨漸次就零矣亟賦一詞紀之并和絳丈詞一首

夜小雨散雷 得絳丈書

瑤臺聚八仙 癸酉閏六月寓齋新植海棠重作等甚盛賦此紀之

正是池荷紅過後滿院綠樹陰濃離。吐蕊忽地數到珍叢伏雨闌。
風剛幾度又催他香夢惺忪好相達瑤臺舊侶釵朵玲瓏長門當
日別後恁燒殘畫燭苦憶歡悰淚浥銀箋訴天心事誰同黃金何
用買賦但重與添香話漢宮猩簾護願月圓長閨花好長紅

臨江仙 潘敏庭丈以寓齋海棠重開賦詞見寄依韵奉酬

春夢枝頭重喚覺睡情又近黃昏綠陰如暝靜當門風擊羅扇

鑒○月○傍○玉○釵○溫○曉○起○欠○肌○和○露○拭○茜○紅○褪○後○還○存○晚○妝○依○舊○
點○脂○痕○幾○回○攜○燭○看○生○恐○再○離○魂○

邸鈔 不告體仁閣大學士朱鳳標卒遺表上

上諭原任大學士朱鳳標老成端謹學問優長由翰林洊擢正卿迭司文
柄朕御極後命充上書房總師傳簡任綸扉管理部務均能恪共將
事上年患病因請開缺准予致仕賞食全俸方冀調養就痊遐齡永
享遽聞溘逝悼惜殊深著加恩追贈太子太保銜賞給陀羅尼經被派肅
親王隆懃帶領侍衛十員即日前往奠醊任內一切處分悉予開復應得
卹典該衙門察例具奏伊子主事朱其煊著俟服闋後以郎中遇缺即補
伊孫監生朱有基賞給舉人一體會試用示眷念耆臣至意

賜諡文端

詔免雲南通省同治十一年以前民欠錢糧並永遠停止抽收釐穀

十一日丁亥上午霽下午暝

得紱丈書偕全唐詩錄即復

得伯

寅書即復

是日早食後忽患腹痛終日小極臥閱雜書

十二日戊子上午暝午日景中有霏雨下午霽晴雨數作蒸溽不堪

周伯度來言新選得安徽舒城縣知縣將之官以銀十三兩為別且以

贈朱厚齋銀八兩屬轉交

作書致星丈紱丈伯寅侍郎各寓嵩

日所作詞與之

得星丈復侍郎復

作書致逸山

得星丈書并

絕句一首云不愁雨橫與風狂誰向通明宮綠章贏得粉垣仙客句

兩番燒燭照紅妝即復

得伯寅書即復

再得伯寅書皆言

孟鼎事再復

夜得逸山書

二更後又雨